



Defnyddiwch y nodiadau hyn i'ch helpu i lenwi tudalennau Tramor eich Ffurflen Dreth

Mae'r nodiadau hyn ar gyfer mathau cyffredin o incwm tramor, gan gynnwys:

- llog ac incwm arall o gynilion tramor (tudalen FN 7)
- difidendau o gwmnïau tramor (tudalen FN 8)
- incwm tramor a drosglwyddwyd ac eithrio difidendau (tudalen FN 9)
- incwm difidend tramor a drosglwyddwyd (tudalen FN 9)
- pensiynau, budd-daliadau nawdd cymdeithasol a breindaliadau tramor (tudalen FN 10)
- incwm o dir ac eiddo tramor (tudalen FN 13)
- incwm o ymddiriedolaethau pan fo buddiant gan y setlwr dibreswyl (tudalen FN 19)
- incwm o gynilion sy'n deillio o ymddiriedolaethau pan fo buddiant gan y setlwr dibreswyl (tudalen FN 20)
- incwm o ddifidendau sy'n deillio o ymddiriedolaethau pan fo buddiant gan y setlwr dibreswyl (tudalen FN 20)
- buddiannau a gawsoch a buddiannau sy'n drethadwy o dan y rheolau 'Aelod Agos o'r Teulu' a'r rheolau 'Rhoddi Ymlaen' ('Onward Gifts rules') (tudalennau FN 22 ac FN 23)
- treth dramor a dalwyd ar gyflogaeth, hunangyflogaeth ac incwm arall (tudalen FN 23)

Bydd y nodiadau hyn hefyd yn eich helpu i hawlio rhyddhad o dan y gyfundrefn incwm ac enillion tramor (FIG). Er mwyn hawlio, mae'n rhaid i chi fod yn 'preswlydd newydd cymwys' ac yn gwneud hawliad i ddefnyddio'r gyfundrefn FIG ar gyfer incwm tramor gan ddefnyddio blwch 28 (a blwch 30 os oes gennych incwm yn y DU a ystyrir i fod o dramor o dan reolau gwmni sy'n dal asedion cymhwysol) ar dudalennau SA109 'Preswylfa, cyfundrefn incwm ac enillion tramor (FIG) ac ati' ar gyfer blwyddyn dreth 2025 i 2026.

Rydych yn breswlydd newydd cymwys os mai dyma un o'ch 4 blynedd cyntaf o breswyllo yn y DU ar ôl cyfnod o 10 mlynedd dreth yn olynol o breswyllo y tu allan i'r DU, ac nad ydych yn aelod o Dŷ'r Cyffredin neu Dŷ'r Arglwyddi. Defnyddiwch dudalennau SA106 'Tramor' (a'r tudalennau atodol perthnasol) i roi gwybod am eich incwm tramor ac i hawlio rhyddhadau ar incwm tramor cymwys o dan y gyfundrefn FIG.

Os nad ydych yn siŵr sut i ddatgan incwm tramor, treth dramor a rhyddhad credyd treth tramor, neu sut i wneud hawliad o dan y gyfundrefn FIG, gofynnwch i'ch ymgynghorydd treth.

i I gael rhagor o wybodaeth am y gyfundrefn FIG, gan gynnwys y mathau o incwm tramor sy'n gymwys i gael y rhyddhad, ewch i www.gov.uk a chwilio am 'HS266'.

Os ydych yn preswyllo dramor ac yn llenwi tudalennau SA109, 'Preswylfa, cyfundrefn incwm ac enillion tramor (FIG) ac ati', ni ddylech lenwi tudalennau SA106 'Tramor'.

Lwfans incwm o eiddo

Mae incwm o eiddo, gan gynnwys eiddo tramor ac eiddo yn y DU, hyd at £1,000, wedi'i eithrio rhag treth ac nid oes angen rhoi gwybod amdano ar Ffurflen Dreth. Mae'r eithriad hwn yn berthnasol hyd yn oed os yw eich cyfran chi o'r incwm hwn yn deillio o eiddo yr ydych yn berchen arno neu'n ei osod ar y cyd.

Mae'r eithriad hwn yn dal i fod yn berthnasol os ydych yn hawlio rhyddhad o dan y gyfundrefn FIG.

Os yw cyfanswm eich incwm o eiddo, gan gynnwys incwm o'ch eiddo tramor ac o eiddo yn y DU y rhoddir gwybod amdano ar y dudalen 'Eiddo yn y DU', yn £1,000 neu lai, peidiwch â llenwi'r tudalennau 'Tramor' oni bai bod eich treuliau caniaatol yn uwch na'ch trosiant a'ch bod eisiau hawlio rhyddhad am y golled yn erbyn incwm o eiddo yn y dyfodol. Os ydych yn gwneud hyn, peidiwch â llenwi'r blwch lwfans incwm o eiddo (blwch 14.1).

Os yw cyfanswm eich incwm o eiddo, gan gynnwys incwm o eiddo tramor ac eiddo yn y DU y rhoddir gwybod amdano ar y dudalen 'Eiddo yn y DU', yn fwy na £1,000, llenwch y tudalennau 'Tramor' trwy naill ai:

- hawlio'r lwfans ym mlwch 14.1 – os ydych yn hawlio lwfans incwm o eiddo, ni allwch ddiwynnu unrhyw dreuliau caniaatol na hawlio unrhyw lwfansau eraill
- cyfrifo eich elw o eiddo trwy ddiwynnu treuliau a lwfansau caniaatol – os gwnewch hyn, ni allwch hawlio'r lwfans incwm o eiddo

Os oes gennych fwy nag un busnes eiddo, ni all cyfanswm y lwfans incwm o eiddo a hawliwyd fod yn fwy na £1,000.

i I gael rhagor o wybodaeth am y lwfans incwm o eiddo, ewch i www.gov.uk/guidance/tax-free-allowances-on-property-and-trading-income

Gwirio a oes angen i chi llenwi Ffurflen Dreth

Os nad ydych yn credu bod angen i chi llenwi Ffurflen Dreth ar gyfer y flwyddyn hon, ewch i www.gov.uk/gwirio-angen-ffurflen-dreth

Os nad oes angen i chi llenwi Ffurflen Dreth, mae'n rhaid i chi roi gwybod i ni erbyn 31 Ionawr 2027 er mwyn osgoi cosbau.

Defnyddiwch y tudalennau 'Tramor' os ydych am hawlio Rhyddhad Credyd Treth Tramor, Treth Ataliedig Arbennig (os oedd y sail trosglwyddo yn berthnasol yn flaenorol), neu ryddhad o dan y gyfundrefn FIG.

Peidiwch â defnyddio'r tudalennau 'Tramor' ar gyfer:

- incwm tramor a enillwyd gan eich busnes neu bartneriaeth – defnyddiwch y tudalennau 'Hunangyflogaeth' neu 'Partneriaeth' (mae hyn hefyd yn berthnasol ar gyfer rhyddhad a hawliwyd o dan y gyfundrefn FIG ar y symiau hyn, ar yr amod bod y gweithgareddu unig fasnachwr neu bartneriaeth i gyd yn cael eu cynnal tramor)
- enillion cyfalaf sy'n codi drwy waredu asedion tramor (neu hawliad am ryddhad o dan y gyfundrefn FIG ar y symiau hyn) – defnyddiwch y tudalennau 'Crynodeb Treth Enillion Cyfalaf'

- incwm o gyflogaeth dramor – defnyddiwch y tudalennau 'Cyflogaeth' i roi gwybod am yr incwm hwn a defnyddiwch y tudalennau 'Tramor' yn unig i hawlio'r dreth tramor a dalwyd ar yr incwm hwn
- dewisiadau Rhyddhad Diwrnod Gwaith Tramor (OWR) - defnyddiwch y tudalennau 'Preswylfa, cyfundrefn incwm ac enillion tramor (FIG) ac ati' (SA109) i hawlio rhyddhad rhag treth y DU yn erbyn incwm o gyflogaeth penodol

Wrth wneud datganiad o incwm tramor, gwnewch yn siŵr bod y ffigur o 'incwm a drethwyd yn ddwbl' yn cael ei ddangos - y ffigur a oedd yn drethadwy mewn gwirionedd yn y wlad dramor.

Os ydych yn defnyddio'r ffurflen hon i hawlio rhyddhad am dreth dramor a dalwyd ar enillion cyfalaf (blychau 33 a 37 i 40); mae'n rhaid hefyd cynnwys yr enillion yn y tudalennau 'Crynodeb Treth Enillion Cyfalaf'

Eich enw a Chyfeirnod Unigryw y Trethdalwr

Os gwnaethoch argraffu'r tudalennau 'Tramor' o'n gwefan, rhowch eich enw a Chyfeirnod Unigryw y Trethdalwr (UTR) yn y blychau ar frig y ffurflen.

Eich enw	Eich Cyfeirnod Unigryw y Trethdalwr (UTR)
John Smith	1 3 5 7 9 2 4 6 8 0

Enghraifft o flychau enw ac UTR wedi'u llenwi

Incwm na ellir ei drosglwyddo i'r DU

Os gwnaethoch hawlio mewn blwyddyn dreth flaenorol fod unrhyw incwm yn incwm na ellir ei drosglwyddo i'r DU, ac os daeth y cyfyngiadau a oedd yn eich rhwystro rhag dod â'r incwm hwnnw i'r DU i ben yn ystod y flwyddyn dreth 2025 i 2026, rhaid i chi drosi'r incwm a'r dreth dramor honno i bunnoedd y DU gan ddefnyddio'r gyfradd gyfnewid a oedd yn weithredol pan ddaeth y cyfyngiad i ben.

Incwm tramor nad oeddech yn gallu ei ddwyn i'r DU oherwydd rheolaethau cyfnewid neu brinder arian cyfred tramor yn y wlad dramor yw hwn.

Blwch 1 Rhowch 'X' yn y blwch os nad oeddech yn gallu trosglwyddo eich incwm tramor i'r DU

Os ydych yn rhoi 'X' ym mlwch 1, rhaid i chi roi manylion am y wlad lle cododd yr incwm, y swm yn yr arian cyfred tramor ac unrhyw dreth dramor a dalwyd, yn 'Unrhyw wybodaeth arall' ar dudalen TR 7 eich Ffurflen Dreth.

Gwlad neu diriogaeth	CTD	cod 3 llythyren
Affganistan		AFG
Yr Aifft	•	EGY
Albania	•	ALB
Algeria	•	DZA
Yr Almaen	•	DEU
Andorra		AND
Angola		AGO
Anguilla		AIA
Antigwa a Barbwda	•	ATG
Yr Ariannin	•	ARG
Armenia	•	ARM
Arwba		ABW
Awstralia	•	AUS
Awstria	•	AUT
Azerbaijan	•	AZE
Bahamas		BHS
Bahrain	•	BHR
Bangladesh	•	BGD
Barbados	•	BRB
Belarws		BLR
Belize	•	BLZ
Benin		BEN
Bermwda		BMU
Bhwtan		BTN
Bolifia	•	BOL
Bonaire		BES
Bosnia a Hertsegofina	•	BIH
Botswana	•	BWA
Brasil		BRA
Brunei Darussalam	•	BRN
Burkina Faso		BFA
Burma (a elwir hefyd yn Myanmar)	•	MMR
Bwlgaria	•	BGR
Bwrwndi		BDI
Caledonia Newydd		NCL
Cambodia		KMH
Camerŵn		CMR
Canada	•	CAN
Cape Verde		CPV
Kenia	•	KEN
Ciribati	•	KIR
Colombia	•	COL
Comoros		COM
Congo		COG
Costa Rica		CRI

Gwlad neu diriogaeth	CTD	cod 3 llythyren
Côte d'Ivoire	•	CIV
Coweit	•	KWT
Croatia	•	HRV
Curaçao		CUW
Cwba		CUB
Cyprus	•	CYP
De Affrica	•	ZAF
De Corea	•	KOR
Denmarc	•	DNK
De Swdan		SSD
Y Deyrnas Unedig		GBR
Djibouti		DJI
Dominica		DMA
Ecwador	•	ECU
Yr Eidal	•	ITA
El Salvador		SLV
Yr Emiraethau Arabaidd Unedig	•	ARE
Eritrea		ERI
Estonia	•	EST
Ethiopia		ETH
Y Fatican	•	VAT
Feneswela	•	VEN
Ffederasiwn Rwsiaidd		RUS
Y Ffindir	•	FIN
Ffrainc	•	FRA
Fiet-nam	•	VNM
Fiji	•	FJI
Gabon		GAB
Gaiana	•	GUY
Gaiana Ffrengig	•	GUF
Gambia	•	GMB
Georgia	•	GEO
Ghana	•	GHA
Gibraltar	•	GIB
Gini		GIN
Gini Trofanol		GNQ
Gini-Bissau		GNB
Gogledd Corea		PRK
Grenada	•	GRD
Guadeloupe	•	GLP
Guernsey	•	GGY
Gwam		GUM
Gwatemala		GTM
Gweriniaeth Canol Affrica		CAF
Gweriniaeth Ddemocrataidd y Congo (Zaire gynt)		COD

Gwlad neu diriogaeth	CTD	cod 3 llythyren
Gweriniaeth Dominica		DOM
(Gweriniaeth) Iwerddon	•	IRL
Gweriniaeth Slofacia	•	SVK
Gwlad Belg	•	BEL
Gwlad Groeg	•	GRC
Gwlad yr Iâ	•	ISL
Gwlad Pwyl	•	POL
Gwlad Thai	•	THA
Haiti		HTI
Hondwras		HND
Hong Kong (SAR)	•	HKG
Hwngari	•	HUN
India	•	IND
Indonesia	•	IDN
Yr Iorddonen	•	JOR
Irac		IRQ
Iran		IRN
Yr Iseldiroedd	•	NLD
Israel	•	ISR
Jamaica	•	JAM
Japan	•	JPN
Jersey	•	JEY
Kazakhstan	•	KAZ
Kosovo	•	KSV
Kyrgyzstan	•	KGZ
Laos		LAO
Latfia	•	LVA
Lesotho	•	LSO
Libanus		LBN
Liberia		LBR
Libya	•	LBY
Liechtenstein	•	LIE
Lithwania	•	LTU
Lwcsembwrg	•	LUX
Macao (SAR)		MAC
Macedonia (FYR)	•	MKD
Madagascar		MDG
Malawi	•	MWI
Maldives		MDV
Maleisia	•	MYS
Mali		MLI
Malta	•	MLT
Martinique	•	MTQ
Mawrisiws	•	MUS
Mawritania		MRT

Gwlad neu diriogaeth	CTD	cod 3 llythyren
Mayotte		MYT
Mecsico	•	MEX
Micronesia		FSM
Moldofa	•	MDA
Monaco		MCO
Mongolia	•	MNG
Montenegro	•	MNE
Montserrat	•	MSR
Morocco	•	MAR
Mosambic		MOZ
Namibia	•	NAM
Nawrw		NRU
Nepal		NPL
Nicaragwa		NIC
Niger		NER
Nigeria	•	NGA
Niue		NIU
Norway	•	NOR
Oman	•	OMN
Pacistan	•	PAK
Palau		PLW
Panama	•	PAN
Papwa Gini Newydd	•	PNG
Paragwâi		PRY
Perw		PER
Polynesia Ffrengig		PYF
Portiwgal	•	PRT
Puerto Rico		PRI
Qatar	•	QAT
Reunion	•	REU
Romania	•	ROU
Rwanda		RWA
Saba	•	BES
Sambia	•	ZMB
Samoa		WSM
Samoa Americanaidd		ASM
San Marino	•	SMR
Sao Tome a Principe		STP
Saudi Arabia	•	SAU
Sbaen	•	ESP
Seland Newydd	•	NZL
Senegal	•	SEN
Serbia a Montenegro	•	SRB
Seychelles		SYC
Sierra Leone	•	SLE

Gwlad neu diriogaeth	CTD	cod 3 llythyren
Simbabwe	•	ZWE
Singapôr	•	SGP
Sint Eustatius		BES
Sint Maarten (y rhan Iseldiraidd)		SXM
Slofenia	•	SVN
Somalia		SOM
Sri Lanka	•	LKA
St Helena a'i Dibyniaethau		SHN
St Kitts a Nevis	•	KNA
St Lucia		LCA
St Pierre a Miquelon		SPM
St Vincent a'r Grenadines		VCT
Swaziland	•	SWZ
Swdan	•	SDN
Sweden	•	SWE
Y Swistir	•	CHE
Swrinam		SUR
Syria		SYR
Taiwan	•	TWN
Tajikistan	•	TJK
Tansania		TZA
Timor-Leste		TLS
Tiwnisia	•	TUN
Togo		TGO
Tokelau		TKL
Tonga		TON
Trinidad a Tobago	•	TTO
Tsiad		TCD
Tsieina	•	CHN
Tsile	•	CHL
Turkmenistan	•	TKM
Twfalw	•	TUV
Twrci	•	TUR
Unol Daleithiau America	•	USA
Vanuatu		VUT
Wcráin	•	UKR
Wganda	•	UGA
Wrwgwái	•	URY
Wsbecistan	•	UZB
Y Weriniaeth Tsiec	•	CZE
Yemen		YEM
Yr Ynys Las		GRL
Ynys Manaw	•	IMN
Ynys Pitcairn		PCN
Ynys y Nadolig	•	CXR

Gwlad neu diriogaeth	CTD	cod 3 llythyren
Ynysoedd Caiman	•	CYM
Ynysoedd Cocos (Keeling)	•	CCK
Ynysoedd Cook		COK
Ynysoedd y Falkland	•	FLK
Ynysoedd Ffaröe	•	FRO
Ynysoedd Gogledd Mariana		MNP
Ynysoedd Marshall		MHL
Ynys Norfolk	•	NFK
Ynysoedd y Philipinau	•	PHL
Ynysoedd Solomon	•	SLB
Ynysoedd Svalbard a Jan Mayen		SJM
Ynysoedd Twrcs a Caicos		TCA
Ynysoedd yr Wryf Prydeinig	•	VGB
Ynysoedd yr Wryf yr Unol Daleithiau		VIR
Ynysoedd Wallis a Futuna		WLF
Dim un o'r uchod		ZZZ

(Rhowch fanylion yn 'Unrhyw wybodaeth arall'
ar dudalen TR 7 eich Ffurflen Dreth.)

- incwm arall o gynilion tramor a gwarantau incwm cronedig

i I gael rhagor o wybodaeth am y Cynllun Incwm Cronedig, ewch i www.gov.uk a chwilio am 'HS343'.

Gwiriwch Erthygl Llog y CTD perthnasol cyn llenwi'r adran hon i sicrhau eich bod yn gallu hawlio FTCR gan fod rhai mathau o incwm yn drethadwy yn y DU yn unig.

Blwch 3

Llenwch golofnau A i F, adiwrch at ei gilydd y ffigurau a gofnodwyd yng ngholofn D, a rhowch y cyfanswm ym mlwch 3. Dylech gynnwys unrhyw symiau a ddangosir ar dudalennau ar wahân yr ydych yn eu hatodi i'r tudalennau 'Tramor'.

Blwch 4

Llenwch golofnau A i F, adiwrch at ei gilydd y ffigurau a gofnodwyd yng ngholofn F, a rhowch y cyfanswm ym mlwch 4. Dylech gynnwys unrhyw symiau a ddangosir ar dudalennau ar wahân yr ydych yn eu hatodi i'r tudalennau 'Tramor'.

Blwch 4.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm y llog ac incwm arall o gynilion tramor (o golofn B a blwch 4) yr ydych yn hawlio rhyddhad ar eu cyfer ym mlwch 4.1.

Difidendau o gwmnïau tramor

Gwiriwch Erthygl Difidend y CTD perthnasol cyn i chi llenwi'r adran hwn, oherwydd gallai fod cyfyngiad i faint o gredyd treth tramor y gallwch ei hawlio.

Ni allwch hawlio FTCR ar gyfer difidendau a drethwyd o Antigua, Awstralia (difidendau wedi'u ffrancio yn unig), Belize, Cyprus, Gambia, Guernsey, Jersey, Kiribati, Malaysia, Malta, Montserrat, Singapôr, Ynysoedd Caiman nac Ynys Manaw.

Yng ngholofnau A i F rhowch fanylion unrhyw:

- difidendau o gwmnïau tramor (defnyddiwch y manylion sydd ar eich taleb ddifidend)
- dosbarthiadau (defnyddiwch eu gwerth ar y dyddiad dosbarthu) o ffynonellau tramor, er enghraifft asedion cwmni a ryddhawyd i gyfranddalwyr
- difidendau o ymddiriedolaethau unedau tramor a chronfeydd buddsoddi tramor eraill, gan gynnwys o gronfeydd alltraeth dynodol
- 'incwm a ddatganwyd' sydd dros ben o gronfeydd alltraeth dynodol – dyma incwm sy'n cronni mewn cronfeydd alltraeth nad ydych wedi'i gael hyd yn hyn. Mae'n rhaid i fanylion yr incwm hwn gael eu darparu i gyfranogwyr y gronfa alltraeth.

Peidiwch â chynnwys:

- dosbarthiadau a wnaed yn ystod datodiad cwmni tramor
- dosbarthiadau o gwmni tramor sy'n rhoi eich buddiant cyfalaf yn ôl, neu sydd ar ffurf ei stociau a'i gyfranddaliadau ei hun
- difidendau stoc neu gyfranddaliadau bonws o ddyroddiad difidendau stoc a wnaed gan gwmni tramor

Mae yna reolau penodol sy'n ymwneud â difidendau o gronfeydd alltraeth. Os yw'r gronfa wedi buddsoddi mwy na 60% mewn asedion sy'n dwyn llog, caiff unrhyw ddsbarthiad a gewch, neu a hysbysir i chi, ei drin fel llog a gafwyd. Mae angen i chi nodi hyn o dan 'Llog ac incwm arall o gynilion tramor'.

Os nad ydych yn siŵr a yw eich gyfranddaliadau mewn cronfa alltraeth, gofynnwch i'ch ymgynghorydd treth.

i I gael rhagor o wybodaeth, ewch i www.gov.uk a chwilio am 'HS265'.

Blwch 5

Llenwch golofnau A i F, adiwrch at ei gilydd y ffigurau a gofnodwyd yng ngholofn D, a rhowch y cyfanswm ym mlwch 5. Dylech gynnwys unrhyw symiau a ddangosir ar dudalennau ar wahân yr ydych yn eu hatodi i'r tudalennau 'Tramor'.

Blwch 6

Llenwch golofnau A i F, adiwrch at ei gilydd y ffigurau a gofnodwyd yng ngholofn F, a rhowch y cyfanswm ym mlwch 6. Dylech gynnwys unrhyw symiau a ddangosir ar dudalennau ar wahân yr ydych yn eu hatodi i'r tudalennau 'Tramor'.

Blwch 6.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm y difidendau cymwys o gwmnïau tramor (o golofn B a blwch 6) yr ydych yn hawlio rhyddhad ar ei gyfer ym mlwch 6.1.

Treth ar ddifidendau a gafwyd

Ni fyddwch yn talu treth ar yr incwm o ddifidendau hyd at swm y lwfans difidend. Ar gyfer 2025 i 2026 y lwfans difidend yw £500. Byddwch yn talu treth ar ddifidendau sy'n fwy na'r lwfans difidend ar y cyfraddau canlynol:

- 8.75% ar incwm o ddifidendau o fewn yr haen gyfradd sylfaenol
- 33.75% ar incwm o ddifidendau o fewn yr haen gyfradd uwch
- 39.35% ar incwm o ddifidendau o fewn yr haen gyfradd ychwanegol

Dylech gynnwys yr incwm o ddifidendau i gyd, hyd yn oed os yw'n llai na £500, gan y gall effeithio ar y gyfradd dreth yr ydych yn ei thalu ar ddifidendau yr ydych yn eu cael sy'n fwy na'r lwfans, sef £500.

i I gael rhagor o wybodaeth ewch i www.gov.uk/treth-ar-ddifidendau

Incwm o gynilion tramor a drosglwyddwyd ac eithrio difidendau

Os oes gennych unrhyw incwm difidend tramor cyn Ebrill 2025 o flwyddyn dreth y gwnaethoch ddefnyddio'r sail trosglwyddo ar ei chyfer, a'ch bod wedi trosglwyddo unrhyw ran o'r incwm difidend hwnnw i'r DU ym mlwyddyn dreth 2025 i 2026, dylech gynnwys manylion yr incwm hwn yng ngholofnau A i F. Peidiwch â chynnwys unrhyw symiau a neilltuwyd gennych o dan y cyfleuster ailwladoli dros dro (TRF). Defnyddiwch flychau 50 i 53 ar y tudalennau 'Preswylfa, cyfundrefn incwm ac enillion tramor (FIG) ac ati' (SA109) i roi gwybod am unrhyw symiau a neilltuwyd ym mlwyddyn dreth 2025 i 2026.

Sylwer – nid yw'r gyfradd gychwynnol ar gyfer cynilion na'r lwfans cynilion personol yn berthnasol i incwm o gynilion tramor a drosglwyddwyd.

Blwch 7.1

Llenwch golofnau A i F. Os oes gennych incwm o fwy nag un wlad, dylech gynnwys tudalennau ar wahân gan gwblhau colofnau A i F, a'u hatodi i'r tudalennau 'Tramor'. Adiwch at ei gilydd y ffigurau a gofnodwyd yng ngholofn D, a rhowch y cyfanswm ym mlwch 7.1

Blwch 7.2

Llenwch golofnau A i F. Os oes gennych incwm o fwy nag un wlad, dylech gynnwys tudalennau ar wahân gan gwblhau colofnau A i F, a'u hatodi i'r tudalennau 'Tramor'. Adiwch at ei gilydd y ffigurau a gofnodwyd yng ngholofn F, a rhowch y cyfanswm ym mlwch 7.2.

i I gael rhagor o wybodaeth am drosglwyddo incwm tramor a'r cyfleuster ailwladoli dros dro (TRF) ewch i www.gov.uk a chwilio am 'HS264'.

Incwm difidend tramor a drosglwyddwyd

Os oes gennych unrhyw incwm difidend tramor cyn Ebrill 2025 o flwyddyn dreth y gwnaethoch ddefnyddio'r sail trosglwyddo ar ei chyfer, a'ch bod wedi trosglwyddo unrhyw ran o'r incwm difidend hwnnw i'r DU ym mlwyddyn dreth 2025 i 2026, dylech gynnwys manylion yr incwm hwn yng ngholofnau A i F.

Peidiwch a chynnwys unrhyw symiau a neilltuwyd gennych o dan y cyfleuster ailwladoli dros dro (TRF). Defnyddiwch flychau 50 i 53 ar y tudalennau 'Preswylfa, cyfundrefn incwm ac enillion tramor (FIG) ac ati' (SA109) i roi gwybod am unrhyw symiau a neilltuwyd ym mlwyddyn dreth 2025 i 2026.

Sylwer – nid yw'r cyfraddau difidend na'r lwfans difidend yn berthnasol i incwm difidend tramor a drosglwyddwyd.

Blwch 7.3

Llenwch golofnau A i F. Os oes gennych incwm o fwy nag un wlad, dylech gynnwys tudalennau ar wahân gan gwblhau colofnau A i F, a'u hatodi i'r tudalennau 'Tramor'. Adiwch at ei gilydd y ffigurau a gofnodwyd yng ngholofn D, a rhowch y cyfanswm ym mlwch 7.3

Blwch 7.4

Llenwch golofnau A i F. Os oes gennych incwm o fwy nag un wlad, dylech gynnwys tudalennau ar wahân gan gwblhau colofnau A i F, a'u hatodi i'r tudalennau 'Tramor'. Adiwch at ei gilydd y ffigurau a gofnodwyd yng ngholofn F, a rhowch y cyfanswm ym mlwch 7.4

Blwch 7.5

Os cafwyd unrhyw rai o'ch difidendau am y tro cyntaf ar neu ar ôl 6 Ebrill 2008 ond cyn 6 Ebrill 2016, ond os mai dim ond yn y flwyddyn dreth bresennol y cawsant eu trosglwyddo i'r DU, efallai y byddant yn gymwys ar gyfer y credyd treth difidend. Os ydynt yn gymwys, nodwch ym mlwch 7.5 swm trethadwy'r difidend cymwys a oedd wedi'i gynnwys ym mlwch 7.4.

Mae rheol arbennig yn berthnasol os oedd gennych fwy na 5% o gyfranddaliadau neu warantau mewn cwmni caeedig yn y DU y gwnaethoch eu cyfnewid am swm cyfatebol o gyfranddaliadau neu warantau mewn cwmni y tu allan i'r DU ar neu ar ôl 17 Tachwedd 2022. Mae'r rheol hon yn trin incwm sy'n cael ei dalu ar warantau a ddelir yn y cwmni y tu allan i'r DU fel pe baent yn gyfranddaliadau neu'n warantau a ddelir mewn cwmni yn y DU.

Os gwnaethoch ddefnyddio'r sail trosglwyddo a bod y rheol arbennig hon yn berthnasol, peidiwch â chynnwys yr incwm hwn o gynilion a difidendau yn yr adran hon o'ch Ffurflen Dreth.

Yn lle hynny, dylech gynnwys fanylion yr incwm hwn ym mlwch 54, 'Unrhyw wybodaeth arall', ar y dudalen, 'Preswylfa, cyfundrefn incwm ac enillion tramor (FIG) ac ati' (SA109).

Dylid cynnwys y canlynol:

- cyfanswm yr incwm difidend (mewn punnoedd y DU) cyn didynnu unrhyw dreth dramor neu Dreth Ataliedig Arbennig (TAA)
- cyfanswm y llog ar gynilion (mewn punnoedd y DU) cyn didynnu unrhyw dreth dramor neu Dreth Ataliedig Arbennig (TAA)
- swm y dreth dramor neu TAA a dalwyd
- y cod gwlad neu god tiriogaeth lle talwyd y dreth a chadarnhad eich bod yn hawlio'r rhyddhad credyd treth tramor ar yr incwm hwn, a bod gennych yr hawl i wneud hynny.

Pensiynau, budd-daliadau nawdd cymdeithasol a breindaliadau tramor

Llenwch golofnau A i F os cawsoch bensiwn neu fudd-daliadau nawdd cymdeithasol o dramor yn ystod y flwyddyn dreth 2025 i 2026. Rhaid i chi hefyd gynnwys unrhyw bensiynau neu flwydd-daliadau (ond nid blwydd-daliadau bywyd a brynwyd) a dalwyd yn y DU oddi wrth ddarparwr pensiwn tramor. Hefyd, sicrhewch eich bod yn cynnwys cyfandaliadau o gynlluniau pensiwn tramor sy'n drethadwy fel incwm pensiwn.

O dan y mwyafrif o CTD, bydd pensiwn a dalwyd oherwydd cyflogaeth yn y gorffennol dim ond yn drethadwy yn y wlad breswyl. Fodd bynnag, mae rhai CTD yn nodi y gellir trethu pensiynau yn y wlad lle mae'r pensiwn yn codi, ac mae'n bwysig i wirio'r CTD perthnasol cyn hawlio FTCR.

Os oes gennych bensiwn sydd ddim yn drethadwy yn y DU oherwydd CTD, rhowch fanylion llawn talwr y pensiwn, y pensiwn a'r CTD perthnasol yn y blwch 'Unrhyw wybodaeth arall' ar eich Ffurflen Dreth.

Peidiwch â chynnwys pensiynau na chyfandaliadau o gynlluniau pensiwn tramor sydd wedi'u cofrestru yn y DU ar y dudalen hon. Dylid cynnwys y rhain yn yr adran 'Pensiynau y DU, blwydd-daliadau'r DU a budd-daliadau eraill y Wladwriaeth a gafwyd' ar dudalen TR 3 eich Ffurflen Dreth.

Os oedd eich pensiwn tramor yn cynnwys taliadau o flwyddyn dreth gynharach, gallwch osod y taliadau hynny yn erbyn y flwyddyn y maent yn perthyn iddi os yw'r pensiwn yn cael ei drethu ar y sail sy'n codi. Os nad ydych yn sicr p'un a fydd hyn o fantais i chi, gofynnwch i ni neu'ch ymgynghorydd treth.


Nid yw pob math o incwm pensiwn yn gymwys i gael rhyddhad o dan y gyfundrefn FIG. Ewch i www.gov.uk a chwilio am 'HS266'.

Eithriad


Caiff rhai pensiynau tramor eu heithrio'n gyfan gwbl neu'n rhannol rhag treth y DU.

Mae'r rhain yn cynnwys:

- pensiynau gweddwon rhyfel, os oedd y farwolaeth tra'n aelod o'r lluoedd arfog cyn 6 Ebrill 2005, a rhai pensiynau a delir i ddibynyddion eraill personél ymadawedig y lluoedd arfog a'r Llynges Fasnachol
- pensiynau tramor sydd â dyfarniad oherwydd salwch sy'n gysylltiedig â'r gwaith neu anaf yn y gwaith – nid yw swm y dyfarniad yn drethadwy
- rhai pensiynau a blwydd-daliadau sy'n daladwy o dan gyfreithiau'r Almaen neu Awstria – os dechreuoch cael hwn yn ystod blwyddyn dreth 2025 i 2026, atodwch gopi o'r dyfarniad pensiwn ('Bescheid') i'ch Ffurflen Dreth
- pensiynau a blwydd-daliadau sy'n daladwy o dan gynllun Wet uitkeringen vervolgingslactoffers 1940 i 1945 yr Iseldiroedd
- tyniadau incwm penodol gan fuddiolwyr, neu flwydd-daliadau a brynwyd o'r hyn a godir o gronfa pensiwn sydd heb ei ddefnyddio, neu arian a gyrchir yn hyblyg o gronfa pensiwn

 I gael rhagor o wybodaeth am etifeddu pensiwn, ewch i www.gov.uk/tax-on-pension-death-benefits

Os ydych yn ansicr p'un a yw eich pensiwn wedi ei eithrio rhag treth y DU, gofynnwch i ni neu'ch ymgynghorydd treth.

 I gael rhagor o wybodaeth am bensiynau gweddwon rhyfel a dibynyddion, ewch i www.gov.uk/war-widow-pension

Hawlio eithriad

Os ydych yn hawlio FTCR – nodwch yng ngholofn F y swm sydd yng ngholofn B, llai'r eithriad – cofiwch roi 'X' yng ngholofn E.

Os nad ydych yn hawlio FTCR – nodwch yng ngholofn F y swm sydd yng ngholofn B, llai'r eithriad, a llai unrhyw swm sydd yng ngholofn C. Os ydych yn hawlio rhyddhad o dan gyfundrefn FIG, ni allwch hawlio FTCR ar yr incwm hwnnw. Gallwch dim ond hawlio FTCR ar y gyfran briodol o unrhyw incwm tramor na chwmpasir gan hawliad am ryddhad o dan y gyfundrefn FIG.

Budd-daliadau nawdd cymdeithasol – a gafwyd o wlad arall

Peidiwch â chynnwys budd-daliadau tramor sy'n cyfateb i fudd-daliadau canlynol y DU:

- Budd-dal Analluogrwydd a delir yn ystod 28 wythnos gyntaf eich analluogrwydd neu os ydych wedi bod yn ei gael ar gyfer yr un salwch ers cyn 13 Ebrill 1995
- Lwfans Gweini
- Lwfans Byw i'r Anabl neu Lwfans Anabledd Difrifol
- Lwfans Mamolaeth
- Lwfans Gwarcheidwad
- Budd-dal Plant
- Credyd Cynhwysol

Dylech gynnwys pob budd-dal tramor arall. Os ydych yn ansicr ynghylch beth i'w gynnwys, gofynnwch i ni neu'ch ymgynghorydd treth.

Blwch 8

Llenwch golofnau A i F, adiwhch at ei gilydd y ffigurau a gofnodwyd yng ngholofn D, a rhowch y cyfanswm ym mlwch 8. Dylech gynnwys unrhyw symiau a ddangosir ar dudalennau ar wahân yr ydych yn eu hatodi i'r tudalennau 'Tramor'.

Blwch 9

Llenwch golofnau A i F, adiwhch at ei gilydd y ffigurau a gofnodwyd yng ngholofn F, a rhowch y cyfanswm ym mlwch 9. Dylech gynnwys unrhyw symiau a ddangosir ar dudalennau ar wahân yr ydych yn eu hatodi i'r tudalennau 'Tramor'.

Blwch 9.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm y pensiynau, buddiannau nawdd cymdeithasol a breindaliadau tramor (o golofn B a blwch 9) yr ydych yn hawlio rhyddhad ar eu cyfer ym mlwch 9.1.

Difidendau a'r holl incwm arall a gafwyd gan berson sydd dramor

Blychau 10 i 13.0

Os ydych wedi trosglwyddo, neu wedi cymryd unrhyw ran yn y broses o drosglwyddo asedion, ac o ganlyniad daeth incwm yn daladwy i berson sydd dramor, efallai y bydd yn rhaid i chi lenwi blychau 10 i 13.0. Rhowch bob eitem sy'n drethadwy fel incwm o dan ddarpariaethau trosglwyddo asedion yn yr adran hon.

Peidiwch â chynnwys unrhyw symiau a drosglwyddwyd a neilltuwyd gennych o dan y cyfleuster ailwladoli dros dro (TRF). Defnyddiwch flychau 50 i 53 ar y tudalennau 'Preswylfa, cyfundrefn incwm ac enillion tramor (FIG) ac ati' (SA109) i roi gwybod am unrhyw symiau a neilltuwyd ym mlwyddyn dreth 2025 i 2026.

i I gael rhagor o wybodaeth am incwm a budd-daliadau o drosglwyddo asedion tramor, ac incwm o ymddiriedolaeth nad yw'n breswyl, ewch i gov.uk a chwilio am 'HS262'.

Blwch 11.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm yr incwm difidend a gafwyd gan berson sydd dramor (o golofn B a blwch 11) yr ydych yn hawlio rhyddhad ar ei gyfer ym mlwch 11.1.

Blwch 13.0

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm yr incwm na ddaeth o ddifidend a gafwyd gan berson sydd dramor (o golofn B a blwch 13) yr ydych yn hawlio rhyddhad ar ei gyfer ym mlwch 13.0.

Rhyddhad am gostau ariannol preswyl

Nid oes modd hawlio'r costau o gael benthyciad neu drefniant ariannol arall er mwyn prynu eiddo preswyl sy'n cael ei osod, nac unrhyw log ar y benthyciadau hynny a'r taliadau ariannol eraill, fel didyniad i ostwng incwm o eiddo.

i I gael rhagor o wybodaeth am y cyfyngiad ar gostau ariannol eiddo preswyl, ewch i www.gov.uk/guidance/changes-to-tax-relief-for-residential-landlords-how-its-worked-out-including-case-studies

Blwch 13.1 Swm yr incwm o eiddo preswyl neu gostau ariannol wedi'u cyfyngu sy'n gysylltiedig ag incwm ym mlwch 13 ar gyfer cyfrifo rhyddhad ar gyfer costau ariannol preswyl

Mae'r costau o gael benthyciad neu drefniant ariannol arall er mwyn prynu eiddo preswyl sy'n cael ei osod, ac unrhyw log ar fenthyciad neu ar daliad ariannol arall o bob busnes eiddo preswyl a weithredir gan bobl sydd dramor, yn cael eu defnyddio fel sail wrth gyfrifo gostyngiad yn eich Treth Incwm. Defnyddiwch y daflen waith isod i gyfrifo'ch gostyngiad treth. Rhaid ystyried pob person ar wahân, a rhaid ystyried pob busnes eiddo y maent yn ei gynnal (er enghraifft eiddo'r DU ac eiddo tramor) ar wahân. Os yw busnes eiddo heb wneud unrhyw elw, neu wedi gwneud colled, rhowch sero yng ngholofn A. Os nad oedd ganddo gostau ariannol preswyl, rhowch sero yng ngholofn B.

Gall unrhyw gostau ariannol nas defnyddiwyd gael eu cario ymlaen i flynyddoedd dilynol.

Os oes gennych incwm o fusnes eiddo tramor, a'ch bod wedi gwneud hawliad am incwm tramor, hawliad am enillion tramor neu ddewis OWR ar gyfer blwyddyn dreth 2025 i 2026 o dan y gyfundrefn FIG, nid oes didyniad ar gael ar gyfer y llog ar fenthyciadau na'r costau ariannol, ac ni all unrhyw gostau ariannol nas defnyddiwyd gael eu cario ymlaen.

Defnyddiwch y daflen waith isod i gyfrifo'ch gostyngiad treth.

Taflen waith ar gyfer blwch 13.1	Colofn A Elw o fusnes eiddo £	Colofn B Costau ariannol eiddo preswyl £	Colofn C Yr isaf o golofn A a cholofn B £	Costau ariannol nas defnyddiwyd sydd i'w cario ymlaen £
Enghraifft 1: Busnes eiddo tramor person A	15,000	2,000	2,000	0
Enghraifft 2: Busnes eiddo person A yn y DU	3,000	4,000	3,000	1,000
Busnes eiddo 1				
Busnes eiddo 2				
Busnes eiddo 3				
Busnes eiddo 4				
Busnes eiddo 5				
Cyfanswm colofn C - copi'ch i flwch 13.1				

Blwch 13.2 Costau ariannol eiddo preswyl nas defnyddiwyd a ddygwyd ymlaen

Mae swm y costau ariannol eiddo preswyl nas defnyddiwyd a ddygwyd ymlaen o flynyddoedd cynharach yn destun cyfyngiadau.

Ar gyfer pob busnes eiddo:

- os byddech yn adio'r costau ariannol preswyl nas defnyddiwyd a ddygwyd ymlaen at y costau ariannol preswyl (a dalwyd yn ystod y flwyddyn), ac os yw cyfanswm y dau swm hwn yn llai na swm yr elw o'r eiddo, dylech gynnwys swm llawn y costau ariannol preswyl nas defnyddiwyd a ddygwyd ymlaen ym mlwch 13.2
- os byddech yn adio'r costau ariannol preswyl nas defnyddiwyd a ddygwyd ymlaen at y costau ariannol preswyl (a dalwyd yn ystod y flwyddyn), ac os yw cyfanswm y dau swm hwn yn fwy na swm yr elw o'r eiddo, gallwch dim ond nodi swm y costau ariannol preswyl nas defnyddiwyd ym mlwch 13.2, a hynny ar yr amod bod y swm hwn, pe bai wedi'i adio at y costau ariannol preswyl a dalwyd yn ystod y flwyddyn, yn hafal i swm yr elw o'r eiddo

Gellir cario unrhyw falans o'r costau ariannol eiddo preswyl, sydd dal heb ryddhad, ymlaen i flynyddoedd i ddod ar gyfer yr un busnes eiddo.

Os oes gennych incwm o fusnes eiddo tramor, a'ch bod wedi gwneud hawliad am incwm tramor, hawliad am enillion tramor neu ddewis OWR ar gyfer blwyddyn dreth 2025 i 2026 o dan y gyfundrefn FIG, ni all unrhyw gostau ariannol eiddo preswyl nas defnyddiwyd gael eu cario ymlaen.

Incwm o dir ac eiddo tramor

Rydych yn agored i dreth ar swm eich incwm rhent tramor, hyd yn oed os nad ydych yn dod â'r incwm hwnnw i'r DU, oni bai eich bod yn gnwued hawliad am ryddhad o dan y gyfundrefn FIG.

Os oedd cyfanswm eich incwm o eiddo'n llai na £1,000, neu os ydych am hawlio rhyddhad treth ar y £1,000 cyntaf, darllenwch 'Lwfans incwm o eiddo' ar dudalen FN 1.

Llenwch flychau 14 i 24.2, colofnau A i F, a blychau 25 i 32 os oes gennych unrhyw un o'r canlynol:

- dim ond un eiddo tramor ar osod
- mwy nag un eiddo, ond maent i gyd yn yr un wlad
- mwy nag un eiddo, ac ni ddidynnir unrhyw dreth dramor o unrhyw incwm

Os oes gennych fwy nag un eiddo tramor ar osod, ac maent mewn gwledydd gwahanol, ac rydych wedi talu treth dramor ar yr incwm rhent hwnnw, llungopiwch dudalennau F 4 ac F 5 a llenwch y blychau ar gyfer pob eiddo.

Incwm a threuliau

Blwch 14 Cyfanswm y rhenti a derbyniadau eraill (ac eithrio premiymau trethadwy am ganiatáu prydles)

Nodwch gyfanswm unrhyw renti, neu dderbyniadau eraill, a gewch o unrhyw hawliau neu fuddiannau sydd gennych mewn tir neu eiddo a leolwyd dramor, ym mlwch 14.

Peidiwch â chynnwys unrhyw bremiymau trethadwy yma. Nodwch y rhain ym mlwch 16. Darllenwch 'Lwfans incwm o eiddo' ar dudalen FN 1 cyn llenwi'r blwch hwn. Os ydych yn defnyddio'r sail arian parod, eich incwm yw'r cyfanswm a gawsoch yn ystod y flwyddyn (gweler blwch 14.2).

Blwch 14.1 Lwfans incwm o eiddo

Darllenwch 'Lwfans incwm o eiddo' ar dudalen FN 1 cyn llenwi'r blwch hwn.

Os yw'ch incwm o eiddo yn fwy na £1,000 ac rydych yn hawlio lwfans incwm o eiddo, ni all cyfanswm y lwfans a hawliwyd o bob busnes eiddo fod yn fwy na £1,000. Os ydych yn hawlio lwfans incwm o eiddo ni allwch hawlio unrhyw dreuliau neu lwfansau eraill.

Blwch 14.2 Cyfrifyddu traddodiadol neu'r sail arian parod

Rhowch 'X' ym mlwch 14.2 dim ond os gwnaethoch ddefnyddio cyfrifyddu traddodiadol yn hytrach na'r sail arian parod i gyfrifo'ch incwm a threuliau.

Mae'r sail arian parod yn ffordd symlach o gyfrifo elw neu golledion eich busnes eiddo. Rydych yn adio'ch holl incwm o eiddo a gafwyd yn ystod y flwyddyn dreth (eich trosiant) at ei gilydd ac yn tynnu unrhyw dreuliau caniatool a dalwyd yn ystod y flwyddyn. Os ydych yn defnyddio sail arian parod, ni allwch hawlio lwfansau cyfalaf. Peidiwch â chynnwys arian sydd arnoch neu sy'n ddyledus i chi ar ôl 5 Ebrill 2026.

Gallwch ddefnyddio'r sail arian parod dim ond os yw cyfanswm eich incwm o eiddo tramor yn £150,000 neu'n llai.

i I gael rhagor o wybodaeth am y sail arian parod, ewch i www.gov.uk/guidance/income-tax-when-you-rent-out-a-property-working-out-your-rental-income

Addasiadau trosiannol

Os ydych yn newid dulliau cyfrifyddu ar gyfer y flwyddyn dreth 2025 i 2026, mae'n bosibl y bydd yn rhaid i chi wneud addasiad trosiannol.

Rhaid cynnwys bob derbyniad trosiannol ym mlwch 14 a'r holl dreuliau trosiannol ym mlwch 17.

Blwch 16 Premiymau a dalwyd am ganiatáu prydles

Os talwyd premiymau i chi am ganiatáu prydles a roddwyd mewn perthynas â'r hawl i feddiannu eiddo, nodwch y swm a gafwyd ym mlwch 16. Cyn i chi lenwi'r blwch hwn, efallai y bydd yn rhaid i chi lenwi'r daflen waith ar gyfer premiymau am ganiatáu prydles, yn y nodiadau 'Eiddo yn y DU'.

i I gael rhagor o wybodaeth, ewch i www.gov.uk/government/publications/self-assessment-uk-property-sa105.cy

Blwch 17 Treuliau eiddo caniatool (rhent, atgyweiriadau, ffioedd cyfreithiol, costau gwasanaethau a ddarparwyd)

Gallwch hawlio treuliau megis:

- rhenti, ardrethi, yswiriant, rhenti tir
- costau atgywiro a chynnal a chadw'r eiddo
- ffioedd cyfreithiol, ffioedd rheoli a ffioedd proffesiynol
- llog a thaliadau ariannol eraill ar eiddo ddibreswyl
- costau o wasanaethau a ddarparwyd, gan gynnwys cyflogau
- treuliau eraill yr eiddo

Ni allwch ddidynnu'r treuliau canlynol:

- treuliau a ysgwyddwyd mewn perthynas â gosod eiddo am y tro cyntaf neu ei is-osod, megis cost llunio prydles, ffioedd a chomisiwn asiantau a thirfesurwyr
- costau sy'n ymwneud â chytuno a thalu premiymau ar adnewyddu prydles
- ffioedd ar gyfer caniatâd cynllunio neu gofrestru teitl wrth brynu eiddo
- y gost o osod eitemau domestic yn lle hen rai, megis dodrefn, eitemau dodrefnu, offer ar gyfer y tŷ a chyfarpar ar gyfer y gegin – defnyddiwch flwch 23 i hawlio rhyddhad amnewid eitemau domestig mewn anheddau
- os ydych wedi hawlio'r lwfans incwm masnachu ym mlwch 14.1 (peidiwch â llenwi blwch 17) – os oes angen i chi roi cyfrif am daliad mantoli oherwydd y gwnaethoch hawlio lwfansau cyfalaf yn ystod blynyddoedd blaenorol ar ased rydych wedi'i waredu yn ystod y flwyddyn hon, ewch i flwch 20. Fel arall, ewch i flwch 24

Peidiwch â chynnwys cost prynu neu werthu, neu welliannau neu newidiadau, i dir neu eiddo, cyfarpar, eitemau dodrefnu neu ddodrefn. Lwfansau cyfalaf yw'r rhain, a dylid eu cynnwys ym mlwch 21.

Eiddo dibreswyl

Gallwch hawlio'r costau o gael benthyciad neu drefniant ariannol arall i brynu eiddo dibreswyl rydych yn ei osod, ac unrhyw log ar fenthyciad o'r fath neu daliadau ariannol eraill.

Eiddo preswyl

Ni allwch hawlio'r costau o gael benthyciad neu drefniant ariannol arall i brynu eiddo preswyl sy'n cael ei osod, nac unrhyw log ar fenthyciad o'r fath neu ar daliadau ariannol eraill.

i I gael rhagor o wybodaeth am gostau ariannol eiddo preswyl, ewch i www.gov.uk/guidance/changes-to-tax-relief-for-residential-landlords-how-its-worked-out-including-case-studies

Cyfrifo elw a cholledion at ddibenion treth

Blwch 19 Addasiad ar gyfer defnydd preifat

Os ydych wedi nodi unrhyw symiau ym mlwch 17 nad oeddent at ddibenion y busnes eiddo yn unig nodwch y gyfran breifat (nad yw at ddibenion busnes) ym mlwch 19. Er enghraifft, os ydych yn cynnwys y gost o yswirio'r eiddo am flwyddyn ym mlwch 17, a gwnaethoch ei osod am 8 mis yn unig, nodwch y gost breifat am y 4 mis hwnnw ym mlwch 19.

Blwch 20 Taliadau mantoli

Mae'n bosibl y bydd taliadau mantoli'n codi yn dilyn digwyddiad gwaredu neu fantoli, megis gwerthu, colli neu ddinistrio asedion neu wrth ddod â'r defnydd busnes i ben, lle mae'r derbyniadau o'r digwyddiad yn fwy na gwerth y gronfa. Os gwerthwch eitem rydych wedi hawlio lwfansau cyfalaf ar ei chyfer, a bod derbyniadau'r gwerthiant neu werth yr eitem yn fwy na gwerth y gronfa, bydd yn rhaid i chi dalu treth ar y gwahaniaeth (sef 'tâl mantoli'). Mae hyn yn cynnwys eitemau lle mae gwerth y gronfa yn ddim oherwydd eich bod wedi hawlio'r holl gost yn flaenorol. Rhowch gyfanswm y tâl mantoli ym mlwch 20.

Blwch 21 Lwfansau cyfalaf ar gyfer cyfarpar a cherbydau

Gallwch hawlio lwfansau cyfalaf ar gyfer costau prynu a gwella cyfarpar megis:

- faniau a cheir
- offer a chyfrifiaduron
- silffoedd, dodrefn a gosodiadau trydanol
- strwythurau ac adeiladau penodol

Mae'r math o lwfans cyfalaf a'r swm y gallwch ei hawlio yn dibynnu ar yr asedion sydd gennych ac amgylchiadau eraill, er enghraifft, mae rheolau arbennig ar gyfer ceir.

Nid yw gwariant yr aed iddo wrth ddarparu, neu ganiatáu prydles arbennig ar gyfer, offer neu beiriannau i'w defnyddio mewn tŷ annedd yn wariant cymhwysol ar gyfer lwfansau cyfalaf ar gyfer busnes eiddo yn y DU neu fel busnes eiddo tramor. Ni allwch hawlio lwfansau cyfalaf os ydych yn hawlio'r lwfans incwm o eiddo (ym mlwch 14.1) neu'n defnyddio'r sail arian parod.

Yr unig eithriad i'r rheiny sy'n defnyddio'r sail arian parod (ac nad ydynt yn hawlio'r lwfans incwm o eiddo) yw ceir. Os ydych wedi hawlio lwfansau cyfalaf yn flaenorol ar gyfer car a ddefnyddir yn eich busnes, gallwch barhau i hawlio'r lwfans ym mlwch 21.

Dylech gynnwys unrhyw ran o'r costau rhedeg sy'n ymwneud â'r busnes fel treuliau busnes caniatol ym mlwch 17. Ni allwch ddefnyddio cyfraddau unffurf. Os nad ydych erioed wedi hawlio lwfansau cyfalaf ar gyfer y car, gallwch ddewis i ddefnyddio'r gyfradd unffurf, neu hawlio lwfansau cyfalaf.

i I gael rhagor o wybodaeth am lwfansau cyfalaf, ewch i www.gov.uk/business-tax/capital-allowances

Darnau Gosod

O dan y rheolau a gyflwynwyd yn 2012 a 2014, ni fydd prynwr sy'n prynu eiddo busnes ail-law sy'n cynnwys darnau gosod (fel gosodiadau i'r gegin, systemau trydanol neu systemau gwresogi), yn gymwys i hawlio lwfansau, oni bai bod y perchennog blaenorol wedi cronni'i wariant cymhwysol a bod gwerth y gosodiadau hynny yn sefydlog.

Mae 'cronni' yn cynnwys gwneud hawliad am lwfans blwyddyn gyntaf neu lwfans buddsoddi blynyddol ar gyfer y gwariant. Nid oes angen i'r perchennog blaenorol hawlio lwfansau ar bapur. Fel rheol, y perchennog blaenorol yw'r person diwethaf a oedd yn gymwys i hawlio lwfansau cyfalaf ar osodiadau.

Fel arfer, caiff y gwerth ei wneud yn sefydlog drwy ddewis adran 198 CAA 2001 ar y cyd, ac mae'n rhaid i Gyllid a Thollau EF (CTheF) gael gwybod am hyn cyn pen 2 flynedd o ddyddiad gwerthu'r eiddo.

Bydd y swm y gall y gwerthwr ei ychwanegu at unrhyw gronfa fel 'gwerth gwaredu' yr un faint â'r swm y gall y prynwr ei ychwanegu fel gwerth caffael at ddibenion lwfans cyfalaf.

Blwch 21.1 Lwfans ar gyfer car di-allyriadau

Hawliwch y lwfans blwyddyn gyntaf o 100% (y gost lawn) ar gyfer unrhyw gar newydd a heb ei ddefnyddio, sydd ag allyriadau sero neu sy'n drydanol, yn y blwch hwn.

Os ydych yn defnyddio car y tu allan i'ch busnes, mae'n rhaid i chi hawlio'r gyfran sydd at ddibenion busnes yn unig.

Blwch 22.1 Y Lwfans Strwythurau ac Adeiladau

Os ydych yn gymwys i hawlio'r Lwfans Strwythurau ac Adeiladau (SBA), rhowch swm yr hawliad ym mlwch 22.1. Os ydych yn hawlio ar gyfer swm o wariant cymhwysol am y tro cyntaf defnyddiwch y blwch 'Unrhyw wybodaeth arall', sef blwch 19 ar dudalen 7 eich Ffurflen Dreth, er mwyn cofnodi'r canlynol:

- y dyddiad daeth yr adeilad i ddefnydd cymwys am y tro cyntaf neu, os yw'n hwyrach, dyddiad y gwariant cymhwysol
- cyfanswm y gwariant cymhwysol

i I wirio a allwch hawlio ac, os felly, faint y gallwch ei hawlio, ewch i www.gov.uk/guidance/claiming-capital-allowances-for-structures-and-buildings.cy

Blwch 22.2 Lwfans pwynt gwefru

Gallwch hawlio y lwfansau cyfalaf blwyddyn gyntaf o 100% am wariant a fuddsoddiwyd wrth gaffael a gosod pwyntiau gwefru newydd a heb eu defnyddio ar gyfer cerbydau trydan. Rhowch swm y gwariant ym mlwch 22.2.

Blwch 23 Y gost o osod eitemau domestig newydd yn lle hen rai (ar gyfer llety preswyl yn unig)

Gallwch hawlio'r gost o osod eitemau domestig yn lle hen rai yn y llety preswyl pan fo'r canlynol yn berthnasol:

- talwyd y gost wrth brynu eitem ddomestig newydd i'w rhoi yn lle hen un – ni allwch hawlio'r gost gychwynnol ar gyfer eitem a ddarparwyd i'w defnyddio mewn llety am y tro cyntaf
- darparir yr eitem newydd at ddefnydd y tenantiaid yn y llety yn unig, ac nid yw'r hen eitem bellach ar gael i'w defnyddio

Os yw'r eitem newydd yn well na'r hen eitem, gallwch ond hawlio hyd at y swm sydd ei angen i gymryd lle'r eitem wreiddiol.

Dylech gynnwys eitemau megis:

- dodrefn symudol, er enghraifft gwelyau, cwpwrdd dillad sy'n sefyll ar ei ben ei hun
- eitemau dodrefnu, er enghraifft lleni, lleiniau, carpedi, gorchuddion llawr
- offer ar gyfer y tŷ, er enghraifft teledu, oergell, rhewgell
- cyfarpar cegin, er enghraifft llestri, cyllyll a ffyrc

Ni allwch hawlio lwfansau cyfalaf os ydych yn hawlio'r lwfans incwm o eiddo (ym mlwch 14.1).

Colofn A

Defnyddiwch y rhestr sydd ar dudalennau FN 4 i FN 6 y nodiadau hyn er mwyn dod o hyd i'r cod 3 llythyren ar gyfer y wlad lle mae eich incwm o osod tir neu eiddo wedi codi.

Os oes gennych eiddo mewn mwy nag un wlad ond rydych ond yn llenwi un set o flychau 14 i 24, nodwch god y wlad yr eiddo cyntaf yng ngholofn A a'r codau ar gyfer y lleill yn 'Unrhyw wybodaeth arall' ar dudalen TR 7 eich Ffurflen Dreth.

Colofn B

Nodwch swm yr elw neu'r golled o'ch eiddo ar osod yng ngholofn B.

Colofn C

Nodwch swm unrhyw dreth dramor a dalwyd ar yr incwm a gafwyd o'ch eiddo yng ngholofn C.

Colofn D

Nodwch swm treth y DU a ddiwyddwyd yng ngholofn D.

Colofn E

Rhowch 'X' yn y blwch os ydych am hawlio Rhyddhad Credyd Treth Tramor (FTCR).

Colofn F

Os ydych yn hawlio FTCR, a bod ffigur elw yng ngholofn B, nodwch y ffigur hwnnw yng ngholofn F. Os nad ydych yn hawlio FTCR, y ffigur fydd y swm yng ngholofn B, llai unrhyw swm yng ngholofn C.

Os ydych yn hawlio FTCR a bod gennych elw a cholledion o fwy nag un eiddo tramor, gostyngwch yr elw gan swm y golled yn y drefn fwyaf manteisiol i chi ar gyfer eich hawliad FTCR. Yna nodwch yr elw wedi'i addasu o bob eiddo yng ngholofn F.

Os oes colled yn codi o unrhyw eiddo tramor, peidiwch â llenwi blychau colofn F.

Os ydych yn hawlio rhyddhad o dan gyfundrefn FIG, ni allwch hawlio FTCR ar yr incwm hwnnw. Gallwch dim ond hawlio FTCR ar y gyfran briodol o unrhyw incwm tramor na chwmpasir gan hawliad am ryddhad o dan y gyfundrefn FIG.

Blwch 26 Cyfanswm y golled a ddygwyd ymlaen o flynyddoedd cynharach

Rhowch ym mlwch 26 swm unrhyw golledion nas defnyddiwyd o flynyddoedd cynharach (blwch 32 ar eich tudalennau 'Tramor' ar gyfer y flwyddyn dreth 2024 i 2025).

Gallwch ddefnyddio hwn i ostwng cyfanswm eich elw neu i gynyddu cyfanswm eich colled. Os yw unrhyw ran o'r swm a roddwyd ym mlwch 26 heb ei nodi eisoes, rhaid i chi nodi'r manylion yn y blwch 'Unrhyw wybodaeth arall', sef blwch 19 ar dudalen TR 7 eich Ffurflen Dreth.

Blwch 27 Cyfanswm yr elw trethadwy

Os mai elw yw'r ffigur a gofnodwyd ym mlwch 25, didynnwch unrhyw golledion sydd ym mlwch 26 ac rydych am eu gwrthbwysu yn erbyn eich elw (hyd at y swm ym mlwch 25) a nodwch y canlyniad yma. Gadewch flwch 27 yn wag os yw'r ffigur ym mlwch 25 yn negyddol (colled).

Blychau 28 a 29

Llenwch golofnau A i F, adiwrch at ei gilydd y ffigurau yn:

- colofn C a nodwch ffigur cyfanswm y dreth dramor ym mlwch 28
- colofn D a nodwch gyfanswm treth y DU ym mlwch 29

Dylech gynnwys unrhyw symiau a gofnodir ar dudalennau ar wahân yr ydych yn eu hatodi i'r tudalennau 'Tramor'.

Blwch 30 Cyfanswm trethadwy

Adiwrch at ei gilydd yr holl ffigurau a nodwyd yng ngholofn F, gan gynnwys rhai a ddangosir ar unrhyw dudalen ar wahân, ac yna didynnwch unrhyw golledion sydd ym mlwch 26 yr ydych am eu gwrthbwysu yn erbyn y cyfanswm. Rhowch y canlyniad ym mlwch 30 (nodwch '0' os yw'r canlyniad yn ffigur minws).

Blwch 30.1 Cyfanswm a hawliwyd o dan y gyfundrefn FIG

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm yr incwm o dir ac eiddo tramor (o flwch 30) yr ydych yn hawlio rhyddhad ar ei gyfer ym mlwch 30.1.

Blwch 31 Colled a wrthbwyswyd yn erbyn cyfanswm yr incwm

O dan rai amgylchiadau, gallwch wrthbwysu colled yn erbyn cyfanswm eich incwm ar gyfer blwyddyn dreth 2025 i 2026 os yw'r golled yn codi o ganlyniad i'ch hawliad am lwfansau cyfalaf. Ni fydd hyn yn bosibl os gwnaethoch wneud hawliad ar gyfer incwm tramor, hawliad ar gyfer enillion tramor neu ddewisiad OWR ar gyfer blwyddyn dreth 2025 i 2026 o dan y gyfundrefn FIG. Mae'n rhaid i unrhyw golled sydd i'w gwrthbwysu fod yn un o'r canlynol, p'un bynnag yw'r lleiaf:

- unrhyw lwfans cyfalaf ym mlychau 21 i 22.2, ar ôl didynnu unrhyw daliadau mantoli ym mlwch 20
- y golled wedi'i haddasu ym mlwch 24
- swm eich incwm arall

Mae swm y rhyddhad treth y gallwch ei hawlio yn erbyn cyfanswm eich incwm bob blwyddyn hefyd wedi'i gyfyngu i naill ai £50,000 neu 25% o'ch cyfanswm incwm wedi'i addasu p'un bynnag yw'r mwyaf.

Os na allwch ddefnyddio eich holl golledion ar gyfer y flwyddyn dreth 2025 i 2026, gallwch gario'r balans ymlaen drwy lenwi blwch 32. Y terfyn amser ar gyfer hawlio yw 31 Ionawr 2028. Ni fydd hyn yn bosibl os gwnaethoch wneud hawliad ar gyfer incwm tramor, hawliad ar gyfer enillion tramor neu ddewisiad OWR ar gyfer blwyddyn dreth 2025 i 2026 o dan y gyfundrefn FIG.

i I gael rhagor o wybodaeth am y terfyn ar ryddhad Treth Incwm, ewch i www.gov.uk a chwilio am 'HS204'.

Blwch 32 Cyfanswm y golled i'w chario ymlaen i'r flwyddyn ddilynol

Os gwnaethoch elw net, mae swm positif ym mlwch 25. Nodwch ym mlwch 32 gyfanswm y golled a ddygwyd ymlaen o flwch 26, llai unrhyw ran o'r golled hwnnw a wrthbwyswyd yn erbyn yr elw ym mlwch 25.

Os gwnaethoch golled net, mae swm negyddol ym mlwch 25. Nodwch ym mlwch 32 gyfanswm y golled ym mlwch 25, yn ogystal ag unrhyw golledion a ddygwyd ymlaen o flynyddoedd cynharach (blwch 26), llai unrhyw swm a wrthbwyswyd yn erbyn cyfanswm yr incwm (blwch 31). Ni all cyfanswm y colledion ym mlwch 25 gael ei gynnwys yn y swm a ddefnyddir i gyfrifo'r ffigur ym mlwch 32 lle gwnaethoch hawliad am incwm tramor, hawliad am enillion tramor neu ddewis OWR ar gyfer blwyddyn dreth 2025 i 2026 o dan y gyfundrefn FIG. Y terfyn amser ar gyfer hawlio hyn yw 5 Ebrill 2030.

Bydd angen y ffigur ym mlwch 32 arnoch er mwyn llenwi'r tudalennau 'Tramor' ar Ffurflen Dreth y flwyddyn nesaf.

Enillion cyfalaf - Rhyddhad Credyd Treth Tramor a Threth Ataliedig Arbennig

Blychau 33 i 40

Os ydych wedi cael enillion ac wedi talu treth mewn gwlad dramor ar yr enillion hyn, ac rydych am hawlio Rhyddhad Credyd Treth Tramor (FTCR), llenwch flwch 33 a blychau 37 i 40 (mewn punnoedd y DU) fel y bo'n briodol. Peidiwch â llenwi blychau 34 i 36.

Os ydych yn hawlio rhyddhad o dan y gyfundrefn FIG, ni allwch hawlio FTCR ar yr enillion hynny.

Gallwch dim ond hawlio FTCR ar y gyfran briodol o unrhyw enillion tramor na chwmpasir gan hawliad am ryddhad o dan y gyfundrefn FIG. Os oes gennych fwy nag un ennil, rhowch yr wybodaeth hon ar dudalen ar wahân. Dylech gynnwys unrhyw symiau a nodwyd gennych ar y dudalen ar wahân ym mlychau 33, 37, 39 a 40.

Os ydych am hawlio FTCR, rhowch 'X' ym mlwch 38. Does dim rhaid i chi gyfrifo'r FTCR eich hun. Os byddwch am ei gyfrifo, defnyddiwch Daflen Gymorth 261, 'Rhyddhad Credyd Treth Dramor: enillion cyfalaf (2017)', i'ch helpu. Nodwch y swm yr ydych yn ei hawlio ym mlwch 39.

Os ydych yn drethadwy ar y sail trosglwyddo, a chafodd Treth Ataliedig Arbennig ei thynnu oddi ar enillion a drosglwyddwyd o werthiant sy'n agored i Dreth Enillion Cyfalaf, rhowch swm y Dreth Ataliedig Arbennig ym mlwch 40.

Treth a ddidynnir oddi ar rai taliadau i breswylwyr y DU (yn ychwanegol i dreth dramor) yw Treth Ataliedig Arbennig. Gellir ei gosod yn erbyn eich rhwymedigaeth treth y DU neu ei had-dalu i chi os yw'r cyfanswm yn fwy na'ch rhwymedigaeth ar gyfer y flwyddyn honno. Bydd hyn ond yn berthnasol bellach os ydych yn drethadwy ar y sail trosglwyddo ac yn trosglwyddo incwm sy'n gysylltiedig â blynyddoedd cynharach pan gafodd Treth Ataliedig Arbennig ei hatal. Gweithredir TAA gan y gwledydd canlynol: Andorra, Awstria, Curaçao, Gibraltar, Jersey, Liechtenstein, Lwcsembwrg, Monaco, San Marino, Sint Maarten a'r Swistir.

Rhowch y canlynol yn y blwch 'Gwybodaeth ychwanegol', sef blwch 19 ar dudalen TR 7 eich Ffurflen Dreth:

- y wlad lle y didynnwyd y dreth dramor ac enw'r cytundeb y didynnwyd y dreth dramor oddi tano
- y blynyddoedd pan didynnwyd y dreth dramor y mae'r hawliad hwn am TAA yn berthnasol iddynt

Rhaid i'r enillion a nodwyd ym mlwch 33 hefyd gael eu cynnwys yn nhudalennau 'Crynodeb Treth Enillion Cyfalaf', sef SA108.

i I gael rhagor o wybodaeth, ewch i www.gov.uk a chwilio am 'HS261'.

Incwm ac enillion tramor eraill

Blychau 43 i 45 Enillion ar bolisiau yswiriant bywyd, blwydd-daliadau bywyd a pholisiau adbryniant cyfalaf

Defnyddiwch y manylion ar eich 'tystysgrif digwyddiad trethadwy' i'ch helpu i lenwi blychau 43 i 45. Peidiwch â chynnwys unrhyw swm a gynhwyswyd gennych eisoes ym mlwch 13.

Os ydych wedi gwneud enillion o fwy nag un polisi tramor, adiwch nhw at ei gilydd a rhowch y cyfanswm ym mlwch 43. Gadewch flychau 44 a 45 yn wag.

Nodwch y manylion canlynol yn y blwch 'Unrhyw wybodaeth arall' ar dudalen TR 7 o'ch Ffurflen Dreth:

- manylion pob polisi unigol
- swm yr ennil ar gyfer pob polisi
- 'nifer y blynyddoedd' perthnasol ar gyfer pob ennil, fel y nodwyd ar y dystysgrif digwyddiad trethadwy
- treth sy'n cael ei thrin fel petai wedi'i thalu ar bob ennil

Bydd angen Taflen Gymorth 321, 'Enillion ar bolisiau yswiriant bywyd', arnoch i'ch helpu i lenwi blychau 43 i 45 os:

- na chawsoch dystysgrif gan eich yswiriwr
- ydych yn berchen ar y polisi ar y cyd gyda rhywun arall (dylech ond gynnwys eich cyfran chi o'r enillion)

- ydych wedi bod yn preswyllo y tu allan i'r DU yn ystod y cyfnod rydych wedi bod yn berchennog llesïannol ar y polisi
- taloch breimymau yr oedd eu cyfanswm yn fwy na £100,000 y flwyddyn i bolisi neu bolisiau a chawsoch ad-daliad ar ffurf comisiwn mewn perthynas â'r premiymau hynny, neu ail fuddsoddwyd y comisiwn gennych yn y polisi ar ffurf premiwm ychwanegol
- ydych yn ystyried yr enillion i fod yn hollol anghymesur ac rydych am wneud cais i CTheF yn gofyn i'r enillion gael eu hail-gyfrifo

i I gael rhagor o wybodaeth, ewch i www.gov.uk a chwilio am 'HS321'.

Blwch 46 Os ydych wedi hepgor incwm o flychau 11, 13 neu 58 i 61 oherwydd eich bod yn hawlio rhyddhad mewn perthynas â throsglwyddo asedion, nodwch y cyfanswm a gafodd ei hepgor

Nid yw blychau 10 i 13 a blychau 58 i 61 yn berthnasol ar yr amod taw nad arbed treth oedd diben, neu un o ddibenion, y trosglwyddiad neu unrhyw weithrediadau cysylltiedig.

Os ydych wedi hepgor incwm o flychau 11, 13 neu 58 i 61 oherwydd y rheswm hwn, mae'n rhaid i chi roi cyfanswm yr incwm y gwnaethoch ei hepgor ym mlwch 46. Gallwch nodi amcangyfrif ym mlwch 46. Os byddwch yn defnyddio amcangyfrif, dylech roi gwybod am hyn yn 'Unrhyw wybodaeth arall' ar eich Ffurflen Dreth. Fodd bynnag, os ni fydd CTheF yn fodlon ar hyn, bydd gofyn i chi roi'r ffigurau cywir yn y blychau perthnasol.

Rhaid i chi roi manylion yr asedion a drosglwyddwyd yn ogystal ag unrhyw gydweithrediadau cysylltiedig, y person dramor dan sylw, amgylchiadau'r trosglwyddiadau perthnasol, a sail eich hawliad i gael eithriad yn 'Unrhyw wybodaeth arall' ar dudalen TR 7 eich Ffurflen Dreth, neu ar dudalen ar wahân.

i I gael rhagor o wybodaeth am incwm a buddion wrth drosglwyddo asedion tramor, ac incwm o ymddiriedolaethau nad ydynt yn breswyl yn y DU, ewch i www.gov.uk a chwilio am 'HS262'.

Ymddiriedolaethau pan fo buddiant gan y setlwr dibreswyl

Os ydych yn setlwr ymddiriedolaeth dramor, a'ch bod wedi cadw buddiant, bydd incwm yr ymddiriedolaeth hon yn cael ei drin fel eich incwm chi yn y flwyddyn dreth, a byddwch yn agored i unrhyw dreth a fydd yn gysylltiedig i'r incwm hwn. Mae'r symiau hyn i'w gweld ar ffurflen R185(Setlwr). Os nad yw'r ffurflen hon gennych, gofynnwch i'r ymddiriedolwyr am y manylion perthnasol.

Gwiriwch Erthygl Llog y CTD perthnasol cyn llenwi'r adran hon i sicrhau eich bod yn gallu hawlio FTCTR gan fod rhai mathau o incwm yn drethadwy yn y DU yn unig. Os ydych yn hawlio rhyddhad o dan gyfundrefn FIG, ni allwch hawlio FTCTR ar yr incwm hwnnw. Gallwch dim ond hawlio FTCTR ar y gyfran briodol o unrhyw enillion tramor na chwmpasir gan hawliad am ryddhad o dan y gyfundrefn FIG.

Colofn A

Defnyddiwch y rhestr ar dudalennau FN 4 i FN 6 y nodiadau hyn i ddod o hyd i god 3 llythren y wlad o ble deilliodd eich incwm o dir neu eiddo. Defnyddiwch res wahanol ar gyfer pob gwlad.

Colofn B

Nodwch gyfanswm yr incwm (mewn punnoedd y DU) yng ngholofn B.

Colofn C

Nodwch swm unrhyw dreth dramor a dalwyd yng ngholofn C.

Colofn D

Nodwch swm y dreth yn y DU a ddidynnwyd yng ngholofn D.

Colofn E

Rhowch 'X' yn y blwch os ydych yn hawlio Rhyddhad Credyd Treth Tramor (FTCTR).

Colofn F

Os ydych yn hawlio FTCTR a bod ffigur elw yng ngholofn B, rhowch y ffigur hwnnw yng ngholofn F. Os nad ydych yn hawlio FTCTR, y ffigur i'w ddefnyddio bydd y swm yng ngholofn B llai unrhyw swm yng ngholofn C. Os ydych yn hawlio rhyddhad o dan y gyfundrefn FIG, ni allwch hawlio FTCTR ar yr incwm hwnnw. Gallwch dim ond hawlio FTCTR ar y gyfran briodol o unrhyw incwm tramor na chwmpasir gan hawliad am ryddhad o dan y gyfundrefn FIG.

Blwch 47

Llenwch golofnau A i F, adiwch ffigurau colofn F at ei gilydd a rhowch y cyfanswm ym mlwch 47. Dylech gynnwys unrhyw symiau a nodir ar unrhyw dudalennau ar wahân yr ydych yn eu hatodi i'r tudalennau 'Tramor'.

Blwch 48

Llenwch golofnau A i F, adiwch y ffigurau yng ngholofn F at ei gilydd, a rhowch y cyfanswm ym mlwch 48. Dylech gynnwys unrhyw symiau a gofnodir ar dudalennau ar wahân yr ydych yn eu hatodi i'r tudalennau 'Tramor'.

Blwch 48.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm yr incwm na ddaeth o gynilion o ymddiriedolaethau pan fo buddiant gan y setlwr dibreswyl (o golofn B a blwch 48) yr ydych yn hawlio rhyddhad ar ei gyfer ym mlwch 48.1.

Blwch 49 a 49.1

Os ydych wedi gwneud hawliad am incwm tramor, hawliad am enillion tramor neu ddewis OWR ar gyfer blwyddyn dreth 2025 i 2026 o dan y gyfundrefn FIG, nid oes didyniad ar gael ar gyfer y llog ar fenthyciadau, ac ni all unrhyw gostau ariannol nas defnyddiwyd gael eu cario ymlaen.

Incwm o gynilion o ymddiriedolaethau pan fo buddiant gan y setlwr dibreswyl

Yng ngholofnau A i F, nodwch y pethau canlynol a ddaeth i law yr ymddiriedolaeth:

- llog o gyfrifon banc tramor, o stociau benthyciadau cwmnïau tramor, neu o fenthyciadau i unigolion neu sefydliadau y tu allan i'r DU
- llog o ymddiriedolaethau unedau tramor a chronfeydd buddsoddi tramor eraill, gan gynnwys o gronfeydd alltraeth dynodol (defnyddiwch y manylion ar y daleb a roddir gan yr ymddiriedolaeth unedol neu'r gronfa) – pan fo'r gronfa alltraeth wedi buddsoddi mwy na 60% mewn asedion sy'n dwyn llog, caiff unrhyw ddsbarthiad sy'n dod i law'r ymddiriedolaeth, neu a hysbysir i'r ymddiriedolaeth, ei drin fel llog a gafwyd
- incwm o flwydd-dal bywyd a brynwyd
- 'incwm a ddatganwyd' sydd dros ben o gronfeydd alltraeth dynodol a ddatganwyd – dyma incwm sy'n cronni mewn cronfeydd alltraeth sydd heb ddod i law hyd yn hyn – mae'n rhaid i fanylion yr incwm hwn gael eu rhoi i gyfranogwyr y gronfa alltraeth (gweler Taflen Gymorth 265 i gael rhagor o wybodaeth)
- cynilion tramor eraill a gwarantau incwm cronedig

Gwiriwch Erthygl Llog y CTD perthnasol cyn llenwi'r adran hon i sicrhau eich bod yn gallu hawlio FTCR gan fod rhai mathau o incwm yn drethadwy yn y DU yn unig. Os ydych yn hawlio rhyddhad o dan y gyfundrefn FIG, ni allwch hawlio FTCR ar yr incwm hwnnw. Gallwch dim ond hawlio FTCR ar y gyfran briodol o unrhyw incwm tramor na chwmpasir gan hawliad am ryddhad o dan y gyfundrefn FIG.

Blwch 50

Llenwch golofnau A i F, adiwech y ffigurau yng ngholofn D at ei gilydd, a rhowch y cyfanswm ym mlwch 50. Dylech gynnwys unrhyw symiau a gofnodir ar dudalennau ar wahân yr ydych yn eu hatodi i'r tudalennau 'Tramor'.

Blwch 51

Llenwch golofnau A i F, adiwech y ffigurau yng ngholofn F at ei gilydd, a rhowch y cyfanswm ym mlwch 51. Dylech gynnwys unrhyw symiau a gofnodir ar dudalennau ar wahân yr ydych yn eu hatodi i'r tudalennau 'Tramor'.

Blwch 51.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm yr incwm o gynilion o ymddiriedolaethau pan fo buddiant gan y setlwr dibreswyl (o golofn B a blwch 51) yr ydych yn hawlio rhyddhad ar ei gyfer ym mlwch 51.1.

Incwm o ddifidendau o ymddiriedolaethau pan fo buddiant gan y setlwr dibreswyl

Gwiriwch Erthygl Difidend y CTD perthnasol cyn i chi lenwi'r adran hwn, oherwydd gallai fod cyfyngiad i faint o gredyd treth tramor y gallwch ei hawlio ar ddifidendau a ddaeth i law yr ymddiriedolaeth.

Ni allwch hawlio FTCR ar gyfer difidendau a drethwyd o Antigua, Awstralia (difidendau wedi'u ffrancio yn unig), Belize, Cyprus, Gambia, Guernsey, Jersey, Kiribati, Malaysia, Malta, Montserrat, Singapôr, Ynysoedd Caiman nac Ynys Manaw.

Yng ngholofnau A i F, nodwch fanylion am y pethau canlynol a ddaeth i law yr ymddiriedolaeth:

- difidendau o gwmnïau tramor (defnyddiwch y manylion ar y daleb difidend a roddir gan yr ymddiriedolaeth)
- dosbarthiadau (defnyddiwch eu gwerth ar y dyddiad dosbarthu) o ffynonellau tramor, er enghraifft asedion cwmni a ryddhawyd i gyfranddalwyr
- difidendau o ymddiriedolaethau unedol tramor a chronfeydd buddsoddi tramor eraill, gan gynnwys o gronfeydd alltraeth dynodol
- 'incwm a ddatganwyd' sydd dros ben o gronfeydd alltraeth dynodol a ddatganwyd – dyma incwm sy'n cronni mewn cronfeydd alltraeth sydd heb ddod i law yr ymddiriedolaeth hyd yn hyn

Mae'n rhaid i fanylion yr 'incwm a ddatganwyd' sydd dros ben gael eu rhoi i gyfranogwyr y gronfa alltraeth.

Peidiwch â chynnwys:

- dosraniadau o ganlyniad i ddatodiad cwmni tramor
- dosraniadau o gwmni tramor sy'n rhoi buddiant cyfalaf ymddiriedolaethau yn ôl, neu sydd ar ffurf ei stociau a'i gyfranddaliadau ei hun
- difidendau stoc neu gyfranddaliadau bonws o ddifidendau stoc a wnaed gan gwmni tramor

Mae yna reolau penodol sy'n ymwneud â difidendau o gronfeydd alltraeth. Os yw'r gronfa wedi buddsoddi mwy na 60% mewn asedion sy'n dwyn llog, caiff unrhyw ddsbarthiad sy'n dod i law'r ymddiriedolaeth, neu a hysbysir i'r ymddiriedolaeth, ei drin fel llog a gafwyd. Bydd angen i chi roi hyn o dan 'Llog ac incwm arall o gynilion tramor'.

Os nad ydych yn siŵr a yw eich cyfranddaliadau mewn cronfa alltraeth, gofynnwch i'ch ymgynghorydd treth. Gweler Taflen Gymorth HS265 i gael rhagor o wybodaeth.

Blwch 52

Llenwch golofnau A i F, adiwcwch y ffigurau yng ngholofn D at ei gilydd, a rhowch y cyfanswm ym mlwch 52. Dylech gynnwys unrhyw symiau a gofnodir ar dudalennau ar wahân yr ydych yn eu hatodi i'r tudalennau 'Tramor'.

Blwch 53

Llenwch golofnau A i F, adiwcwch y ffigurau yng ngholofn F at ei gilydd, a rhowch y cyfanswm ym mlwch 53. Dylech gynnwys unrhyw symiau a gofnodir ar dudalennau ar wahân yr ydych yn eu hatodi i'r tudalennau 'Tramor'.

Blwch 53.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm yr incwm o ddifidendau o ymddiriedolaethau pan fo buddiant gan y setlwr dibreswyl (o golofn B a blwch 53) yr ydych yn hawlio rhyddhad ar ei gyfer ym mlwch 53.1.

Blwch 54 Incwm yn ôl disgrisiwn o ymddiriedolaethau pan nad oes buddiant gan y setlwr dibreswyl

Bydd angen i chi lenwi blwch 54 os cawsoch incwm yn ôl disgrisiwn o ymddiriedolaeth amodol na wnaethoch ei setlo.

Blwch 54.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch swm yr incwm yn ôl disgrisiwn o ymddiriedolaethau pan nad oes buddiant gan y setlwr dibreswyl (o flwch 54) yr ydych yn hawlio rhyddhad ar ei gyfer ym mlwch 54.1.

Blwch 55 Symiau cyfalaf a dalwyd i setlwr gan yr ymddiriedolwyr o ymddiriedolaethau dibreswyl

Bydd angen i chi lenwi blwch 55 os cawsoch swm cyfalaf a dalwyd gan yr ymddiriedolwyr o ymddiriedolaeth dibreswyl y gwnaethoch chi ei setlo.

Blwch 55.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm y symiau cyfalaf a dalwyd gan yr ymddiriedolwyr o ymddiriedolaeth dibreswyl y gwnaethoch chi ei setlo (o flwch 55) yr ydych yn hawlio rhyddhad ar ei gyfer ym mlwch 55.1.

Blwch 56 Enillion ar waredu daliannau mewn cronfeydd alltraeth

Bydd angen i chi lenwi blwch 56 os cawsoch enillion ar waredu daliannau mewn cronfeydd alltraeth.

Peidiwch â chynnwys unrhyw symiau sydd eisoes wedi'u cynnwys ym mlwch 13 o'ch Ffurflen Dreth (incwm person dramor sy'n cael ei drin fel eich incwm chi o dan ddeddfwriaeth ToAA).

Blwch 56.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm yr enillion ar waredu daliannau mewn cronfeydd alltraeth (o flwch 56) yr ydych yn hawlio rhyddhad ar ei gyfer ym mlwch 56.1.

Blwch 57 Incwm anfasnachol

Bydd angen i chi lenwi blwch 57 os cawsoch unrhyw incwm tramor anfasnachol sydd heb ei nodi mewn man arall. Ni ddylai hyn gynnwys unrhyw symiau a nodwyd ym mlwch 13

Blwch 57.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch gyfanswm yr incwm anfasnachol (o flwch 57) yr ydych yn hawlio rhyddhad ar ei gyfer ym mlwch 57.1.

Blwch 58 Buddiannau a ddaeth i law gan bobl nad ydynt yn drosglwyddwyr gan berson dramor yn y flwyddyn drethadwy o dan ddeddfwriaeth Trosglwyddo Asedion Dramor (ToAA)

Os cawsoch fuddiant gan berson dramor o ganlyniad i drosglwyddiad o asedion a wnaed gan rywun arall, rhowch werth y buddiant neu'r taliad yma. Os ydych yn hepgor incwm o'r blwch hwn oherwydd eich bod yn hawlio eithriad, gweler blwch 46.

Ni ddylech gynnwys unrhyw fuddiannau a neilltuwyd gennych o dan y cyfleuster ailwladoli dros dro (TRF). Dylai manylion am incwm a neilltuwyd gael eu cynnwys ym mlychau 50 i 53 ar y tudalennau 'Preswylfa, cyfundrefn incwm ac enillion tramor (FIG) ac ati' (SA109).

i I gael rhagor o wybodaeth am incwm a buddiannau drosglwyddo asedion dramor, ac incwm o ymddiriedolaethau dibreswyl, ewch i www.gov.uk a chwilio am 'HS262'.

Blwch 58.1

Os ydych wedi gwneud hawliad gan ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswyl, cyfundrefn incwm ac enillion tramor (FIG) ac ati' (SA109), rhowch y swm sy'n berthnasol i'r buddiannau a gawsoch (o flwch 58) yr ydych yn hawlio rhyddhad ar ei gyfer ym mlwch 58.1

Blwch 59 Buddiannau a ddaeth i law gan drosglwyddwr yn ystod y flwyddyn gan berson dramor sy'n cyfateb i Incwm a Ddiogelwyd yn y Cyfnod Trosiannol (TPI) neu Incwm Ffynhonnell Dramor a Ddiogelwyd (PFSI) sy'n drethadwy o dan y ToAA

Os ydych yn setlwr ymddiriedolaeth dibreswyl a chawsoch fuddiant o'r ymddiriedolaeth sy'n cyfateb i incwm a ddiogelwyd neu incwm ffynhonnell dramor a ddiogelwyd, rhowch werth y buddiant neu'r taliad yma. Os ydych wedi hepgor incwm o'r adran hon oherwydd eich bod yn hawlio eithriad, gweler blwch 46.

i I gael rhagor o wybodaeth am incwm a buddiannau wrth drosglwyddo asedion dramor, ac incwm o ymddiriedolaethau dibreswyl, ewch i www.gov.uk a chwilio am 'HS262'.

Blwch 59.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch y swm sy'n berthnasol i'r buddiannau a gawsoch (o flwch 59) yr ydych yn hawlio rhyddhad ar ei gyfer ym mlwch 59.1.

Blwch 60 Buddiannau sy'n daladwy arnoch o dan reolau 'Aelod Agos o'r Teulu' sy'n drethadwy o dan y ToAA

Os ydych yn setlwr ymddiriedolaeth dibreswyl a bod angen i chi gynnwys buddiant a gawsoch gan aelod agos o'r teulu, dylai gwerth y buddiant hwnnw gael ei gynnwys ym mlwch 60.

Os ydych yn hepgor incwm oherwydd eich bod yn hawlio eithriad, rhowch yr incwm hwnnw ym mlwch 46.

i I gael rhagor o wybodaeth am incwm a buddiannau wrth drosglwyddo asedion dramor, ac incwm o ymddiriedolaethau dibreswyl, ewch i www.gov.uk a chwilio am 'HS262'.

Blwch 60.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch y swm sy'n berthnasol i'r buddiannau a gawsoch o dan y rheolau 'Aelod Agos o'r Teulu' (o flwch 60) yr ydych yn hawlio rhyddhad ar ei gyfer ym mlwch 60.1.

Blwch 61 Buddiannau sy'n daladwy arnoch o dan y rheolau 'Rhoddi ymlaen' sy'n drethadwy o dan ToAA

Os cawsoch 'rhodd sydd wedi'i rhoddi ymlaen' ('onward gift') gan fuddiolwr o ymddiriedolaeth dibreswyl, bydd angen i chi nodi gwerth y rhodd sydd wedi'i rhoddi ymlaen ym mlwch 61. Os ydych yn hepgor incwm oherwydd eich bod yn hawlio eithriad, rhowch yr incwm hwnnw ym mlwch 46.

i I gael rhagor o wybodaeth am incwm a buddiannau wrth drosglwyddo asedion dramor, ac incwm o ymddiriedolaethau dibreswyl, ewch i www.gov.uk a chwilio am 'HS262'.

Blwch 61.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch y swm sy'n berthnasol i'r rhodd sydd wedi'i rhoddi ymlaen ('onward gift') (o flwch 61) yr ydych yn hawlio rhyddhad ar ei gyfer ym mlwch 61.1.

Blwch 62 Buddiannau a ddaeth i law gan setlwr yn ystod y flwyddyn o setliad sy'n cyfateb i Incwm Ymddiriedolaeth Trosiannol (TTI) neu Incwm o Ffynhonnell Dramor a Ddiogelwyd (PFSI) sy'n drethadwy o dan setliadau

Os ydych yn setlwr ymddiriedolaeth dibreswyl a chawsoch fuddiant o'r ymddiriedolaeth sy'n cyfateb i incwm a ddiogelwyd neu incwm ffynhonnell dramor a ddiogelwyd, rhowch werth y buddiant neu'r taliad ym mlwch 62.

Blwch 62.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch swm y buddiannau sy'n daladwy arnoch ac sy'n drethadwy fel arall o dan y ddeddfwriaeth setliadau (o flwch 62) yr ydych yn hawlio rhyddhad ar ei gyfer ym mlwch 62.1.

Blwch 63 Buddiannau a ddaeth i law gan aelod agos o deulu'r setlwr yn ystod y flwyddyn o setliad sy'n cyfateb i Incwm Ymddiriedolaeth Trosiannol (TTI) neu Incwm o Ffynhonnell Dramor a Ddiogelwyd (PFSI) sy'n drethadwy o dan setliadau

Os ydych yn setlwr ymddiriedolaeth dibreswyl a bod angen i chi gynnwys buddiant a gawsoch gan aelod agos o'r teulu sy'n cyfateb i incwm a ddiogelwyd neu incwm ffynhonnell dramor a ddiogelwyd, rhowch werth y buddiant ym mlwch 63

Blwch 63.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch swm y buddiannau sy'n daladwy o dan y rheolau 'Aelod Agos o'r Teulu' ac sy'n drethadwy fel arall o dan y ddeddfwriaeth setliadau (o flwch 63) yr ydych yn hawlio rhyddhad ar ei gyfer ym mlwch 63.1.

Blwch 64 Buddiannau sy'n daladwy arnoch o dan y rheolau Rhoddi Ymlaen sy'n drethadwy o dan setliadau

Os cawsoch rodd sydd wedi'i rhoddi ymlaen gan fuddiolwr o ymddiriedolaeth dibreswyl sy'n drethadwy o dan y ddeddfwriaeth setliadau, rhowch werth y rhodd sydd wedi'i rhoddi ymlaen ym mlwch 64 .

Blwch 64.1

Os ydych wedi gwneud hawliad i ddefnyddio'r gyfundrefn FIG ar gyfer blwyddyn dreth 2025 i 2026 ar dudalennau 'Preswylfa, cyfundrefn incwm ac enillion tramor (FIG) ac ati' (SA109), rhowch swm y buddiannau sy'n daladwy arnoch o dan y rheolau Rhoddi Ymlaen ac sy'n drethadwy fel arall o dan y ddeddfwriaeth setliadau (o flwch 64) yr ydych yn hawlio rhyddhad ar ei gyfer ym mlwch 64.1.

i I gael rhagor o wybodaeth am incwm a buddiannau o dan setliadau, ac incwm sy'n cael ei drin fel incwm setlwr, ewch i www.gov.uk a chwilio am 'HS270'.

Treth dramor a dalwyd ar gyflogaeth, hunangyflogaeth ac incwm arall

Llenwch yr adran hon os ydych yn hawlio FTCT ar incwm neu enillion yr ydych wedi'i nodi mewn man arall o'ch Ffurflen Dreth.

Os ydych yn hawlio rhyddhad o dan y gyfundrefn FIG, ni allwch hawlio FTCT ar yr incwm hwnnw. Gallwch dim ond hawlio FTCT ar y gyfran briodol o unrhyw incwm tramor na chwmpasir gan hawliad am ryddhad o dan y gyfundrefn FIG.

Os ydych wedi talu treth dramor ar eich incwm o gyflogaeth, a thelir am hyn gan gyflogwr dramor sydd heb gyflogres y DU (nid ydych wedi cael P60), mae'n rhaid i chi lenwi'r dudalen 'Cyflogaeth' er mwyn rhoi gwybod am eich incwm gros.

Gwnewch yn siŵr taw'r dreth dramor sy'n cael ei hawlio yw'r 'isafswm' sy'n ddyledus o dan gyfraith y wlad dramor ar ôl i'r holl ddiodynadau, eithriadau, rhyddhadau a lwfansau gael eu hawlio. Er enghraifft, os ydych yn gweithio i gwmni Prydeinig dramor.

Pan fo cyflogwr yn talu'r dreth dramor ar eich rhan, yn gyffredinol dylid cynnwys hyn fel rhan o'ch cyflog gros. Os nad ydych yn siŵr, gofynnwch i'ch ymgynghorydd treth.

Os ydych yn cael incwm drwy fod yn aelod o Lloyd's, gweler Taflen Gymorth 240, 'Tanysgrifenwyr Lloyd's', i gael arweiniad ynghylch sut i lenwi'r rhan hon o'r tudalennau 'Tramor'.

i I gael rhagor wybodaeth, ewch i www.gov.uk a chwilio am 'HS240'.

Colofn A – Cod gwlad

Defnyddiwch y rhestr ar dudalennau FN 4 i FN 6 y nodiadau hyn i ddod o hyd i god 3 llythyren y wlad o ble deilliodd eich incwm a lle didynnwyd treth dramor. Nodwch y cod hwnnw yng ngholofn A. Defnyddiwch res wahanol ar gyfer pob gwlad.

Colofn C – Treth dramor a dalwyd

Os didynnwyd unrhyw dreth dramor o'ch incwm, nodwch swm y dreth (mewn punnoedd y DU) yng ngholofn C. Peidiwch â chynnwys treth dramor a dalwyd ar breimiau gofal iechyd na chyfraniadau nawdd cymdeithasol tramor yn y swm hwn o dreth.

Colofn F – Swm trethadwy

Nodwch swm gros yr incwm tramor (cyn didynnu unrhyw dreth) a gofnodwyd gennych mewn man arall (er enghraifft, ar y tudalennau 'Cyflogaeth') yng ngholofn F. Bydd angen i chi roi manylion yr incwm hwn yn 'Unrhyw wybodaeth arall' ar dudalen TR 7 eich Ffurflen Dreth.

Os oes gennych fusnes yn y DU ac mae derbyniadau gros y busnes yn cynnwys incwm yr ydych wedi talu treth dramor arno, bydd yn rhaid i chi gyfrifo swm yr elw a ddaeth o dderbyniadau tramor. Os yw'r incwm yn deillio o gangen dramor o fusnes a sefydlwyd yn y DU, nodwch yr elw gros a enillwyd gan y gangen yng ngholofn F.

Rhagor o gymorth os bydd ei angen arnoch

I gael copiau o unrhyw Ffurflenni Treth neu daflenni cymorth, ewch i

www.gov.uk/ffurflenni-a-thaflenni-hunanasesiad

Gallwch ffonio Gwasanaeth Cwsmeriaid Cymraeg CThEF ar 0300 200 1900 i gael help gyda'ch Ffurflen Dreth.

Mae gennym ystod o wasanaethau ar gyfer pobl anabl, gan gynnwys arweiniad mewn Braille, ar sain ac mewn print bras. Mae'r rhan fwyaf o'n ffurflenni hefyd ar gael mewn print bras. Ffoniwch ein llinellau cymorth am fwy o wybodaeth.

Arweiniad yn unig yw'r nodiadau hyn, sy'n adlewyrchu'r sefyllfa ar adeg eu hysgrifennu. Nid ydynt yn effeithio ar yr hawl i apelio.